



Lencwadzi le ya...



Baylor College of Medicine and Texas Children's Hospital, both located in Houston, Texas, operate a network of clinical centers that focus on child and family-centered healthcare and education in 6 countries in Africa as well as Romania.




“Thabiso, Thandi
- cimizi i-TV.
Sesikhatsi
sekulala.”

“Kepha make, sesingete sabukela nje kancanyana?” kusho Thabiso, asajabhe kancane.

Make walabantfwana wavele wamoyitela “Mfana wami,” kwasho make walabantfwana “nawe uyati kutsi nga 8 sikhatsi sekulala. Kufanele nilale kahle nilungele kuya esikolweni kusasa.”

“Sesikhatsi sekucubha emantinyo, nigeze buso, ninatse imitsi yenu,” washo amoyitela futsi. “Buyani, sambeni.”





“Make, ngingabuta
yini?” kwasho
Thandi acubha.

“Yebo
mntfwanami,
utsini?”
kuphendvula make
waThandi.

“Sonkhe sikhatsi
mase siyolala,
sinatsa emaphilisi.
Sikwentelani
loko?”




“Bantfwabami, kufanele ninatse imitsi onkhe emalanga kute nisite emasotja enu lamancane.”

Thabiso, adidekile abute “emasotja etfu lamancane?” “ngumaphi lawo? Angitange sengiwabone mine.”




“Ucinisile,
Thabiso,”
kusho make
walabantfwana.
“Ningeke
niwabone
lamosotja ngobe
mancane kakhu...
lu.”



“Emtimbeni wenu
kunemasotja
lamancane
lamanyenti. Noma
niyaphi noma
nentani ahlala
anivikela.”


“Asivikela kuphi
lamosotja?”
kubuta Thandi
ngekumangala.





Unina
wamamatseka
wase uyachaza.
“Onkhe malanga,
naniya esikolweni
noma nidlala
langaphandle,
kunetilokatana
nemagciwane
latama kunenta
kutsi nigule.
Lamasotja enu
lamancane
ahlala alwa
naletotilokatana
nemagciwane
kutsi
kunganigulisi.”

“Nakancoba
lamasotja
lamancane
enu, nitivela
niphilile futsi
ninemandla.”





“Kodvwa kukhona luhlobo lwemagciwane loluwehlulako lamasotja enu”. Kungeta make wabo “Uma loko kwenteka, onkhe lalamanye emagciwane angabese ayewehlula lamasotja enu futsi ancobe lemphi.”

“Uma
ningayinatsi
imitsi yenu,
emasotja enu
ayehlulwa bese
niyagula”.







“Uma ninatsa
imitsi yenu, nenta
lamagciwane
kutsi alale kute
kutsi lamasotja
lamancane enu
achubeke alwe.
Kunatsa imitsi
ngiyona ndlela
yekusita lamasotja
enu lamancane.”

“Make,
kodvwa mine
angiyitsandzi
lemitsi.
Iyangetelisa
noma ingibulalise
ngesisu.”

“Yebo make,”
sekungeta Thandi,
“ngalesinye
sikhatsi
iyangicubula
lemitsi nobe
ingishayise
ngesiyeti.”





“Bantfwabami”
kuphendvula make
wabo. “Nicinisile.
Ngalesinye sikhatsi
lemitsi inganenta
nitivele ungatsi
niyagula. Kungako
kufanele siye
siyohlola kudokotela
sonkhe sikhatsi.
Ngiko dokotela
ngalesinye sikhatsi
angahle ayishintja
lemitsi.”

“Ningabuta noma
nimtjele noma yini
dokotela wenu.”
Kungeta make wabo.
“Phela Dokotela
ngumngani wenu.”

“Lokubalulekile
kutsi ninatse
imitsi yenu onkhe
emalanga kute
nisite emasotja
enu lamancane,”
kungeta make wabo.
“Natsi sibatali benu
sihle sikhohlwa
kuninatsisa
imitsi yenu,
nibosikhumbuta,
kutsi sininatsise
uma nibona kutsi
sesikhohliwe.”





“Make, mine sengisangene. Linyenti lebangani bami abayinatsi imitsi onkhe emalanga. Behluke ngani bona kimi kutsi nginatse imitsi onkhe emalanga?”

“Labanye Bantswana kumele banatse imitsi kute basite emasotja abo lamancane futsi ke labanye abadzingi. Kepha bonkhe Bantfwan mhlaba wonkhe bayafanana.”



“Uma ninatsa imitsi yenu, emasotja enu lamancane atawenta lokwengcile kunekunivikela kumagciwane netilokatana. Emasotja enu atanisita kutsi nente konkhe lenifuna kukwenta emphilweni.”



“Uma nisesikolweni,
emasotja enu
lamancane atanisita
kutsi nifundze
niphase kahle
futsi nikhule
nihlakaniphe.”



“Uma nisebholeni, emasotja enu lamancane atanisita kutsi nishaye emagoli,
niwinise licembu lenu.”



“Uma seniphotfula
eNyuvesi, lamasotja
lamancane enu ayobe
akhona lapho ajabula
kanye nani.”

“Noma ngabe
yini leniyentako
emphilweni yenu,
lamosotja enu
lamancane ayobe
anisita kuphumelelise
emaphupho enu.”

“Kumbe ngalelinye
lilanga niyoba
bahlabeleli
labadvumile. Uma
kunjalo, lamosotja
lamancane enu
ayobe alapho
anihalalisela kutsi
nichubeke.”






“Kumbe ngalelinye
lilanga niyoba
badlali labadvumile
bemafilemu. Uma
kunjalo, lamasotja
lamancane enu atabe
anani nanitfwebula
lamafilemu.”

“Kumbe ngalelinye
lilanga niyoba
badvwebi betindlu
letinkhulu
letititezi. Uma
kunjalo lamasotja
lamancane ayobe
akhona anisita.”





“Kumbe ngalelinye
lilanga niyoshada
nibe nebantfwana.
Uma kunjalo,
lamasotja
lamancane enu
atobe solo akhona
futsi kuvikela
imindeni yenu.”



“Lamsotja enu lamancane asikhiya senjabulo emphilweni.
Ngiko ke kufanele ninatse imitsi yenu onkhe emalanga.”

“Sesicondza kahle ke kutsi kumcoka ngani kutsi sinatse imitsi yetfu onkhe emalanga,” kusho Thabiso anatsa umutsi wakhe. Lemitsi isita emasotja etfu. Futsi ngulamasotja etfu lasenta sijabule futsi sibe ngulabaphilile.”



“Nilale kahle
bantfwabami,”
nikhumbule
kutsi lamasotja
enu lamancane
akhonela
kunivikela.”





